

## ADIU PLANA DE BEDÓS!

1- Adiu, plana de Bedós,  
Gave qui l'enclavas,  
Lo sendèr deths amorós  
Qu'ei eth deras crabas.  
Conduseish a mas amors  
Rigolet qui'u lavas.

*Arrepiç.*

Adiu, plana de Bedós,  
Caminau d'Espanha !  
D'Aidius son mas amors  
Pugem la montanha !

2- Mès dejà l'amor, tots dus  
Tròp lèu que'ns separa  
Gavaret de plus en plus  
Car ton onda clara  
Quan jo me'n vau tà capsós,  
Capvath que devara.

3-En passant, digam adiu  
Au gigant de pèira,  
Cascaret que lo Bon Diu  
Coronã de gèira  
Quan lo quilhã sus ta riu  
Com ua cosquilhèira.

4- Cara't, cara't rigolet,(1)  
Peth bosquet d'Ichanta  
Qu'enteni rossinholet  
Dont la votz m'encanta.  
Jo be'm copi lo siulet,  
D'amor quan eth canta.

5-Lèu passí ton pondiquet  
Qui dança i tremola;  
Au ruèit de l'arricoquet  
De l'aiga qui cola,  
Dança, dança, pondiquet,  
Sus l'aiga qui vola.

6- D'ací que't hèi mos adius !  
Huei tà l'arribèra;  
D'un sarròt que'm sòrt Aidius,  
Aidius qui m'apèra,  
Baishat com l'eslur deths Dius (2)  
De quauqua losèra.